

## Ma Jon 2

### *Ama Rhäväksäs*

Ma Jon ga säm bä rhakt täkt ama abuk bä qat tes nas i qä narhoerqa. Bä qät säm iva sage ama evopki qäraktni i sa ma Ngämuqa qa armeng däm gi qi nä at toes kärarhani i ma Jon di aa snäng bät a rha maengätki. Nguaräm iarhakt di nak ama evopki qi na at toes ura nguaräm giat mair ba ama guläñgi na ama qatnanaktpämda va aomni ama värhäm.

Ma Jon di qät säm ivakt iva qä rhodröp ta sävät ama gamoe qärarhani i rhat tet sa ama lat kärangätni i rhi sameng dä rhi su sokt di qaku ama engätki na rha ama latta. Iarhakt ama latta qärarhani i rhat tet sa ama iraski na ngät ama rhisu di sa rhat don säva ama qatnanaktpämda arhä vät ivakt iva rhat täs dä rhat tas toqor varhäm ama engätki na rha ama latta arhä qärhong. Ma Jon di nani a qa iva ama qatnanaktpämda rhi lu ñismäne mänguröp mä rha mamär i varis tat tatnärha arhani ama irasmätta sa arha lat.

### **Ama Qävälap Nasot A Ne**

Ama Enge Na Ama Märmärgem (1:1-3)

Ma Jon Gät Sek Sä Rha Inguna Nävät Iomäkt I  
Rhat Tet Parhäm Ama Engätki (1:4)

Ama Enge Na Ama Sämaqrot Dä Ama Rhonsävät  
(1:5-11)

Ma Jon Aa Dängdängini Na Ngät Aa Enge (1:12-13)

### *Ma Jon Ga Säm Ama Märmärgem*

<sup>1</sup> Aingo qä narhoerqa

di ngut sām sāvāt a nge ama evopki qāraktni i sa ma Ngāmuqa qa armeng dām nge ngi nā ngia es\* aingän gārarhae i gua snäng bāt a ngän maengätki. Näkt kaku sokt ngo dap kosaqi ama ruvek moe qārarahani i rhat dräm ama engätki di sa arha snäng bāt a ngän.<sup>2</sup> Rhoqoräkt dinguna nāvāt ama lavuqi qāraktni i qali qi vām ut bā va qali qi gem ut mas.

<sup>3</sup> Ama ñämsävätki näkt ama lavuqi näkt sāvāt ama bulap nage ma Ngāmuqa ama Ngätmamäk dä ma Jisas ma Kraisa ama Ngätmamäk aa emga diva qale ngät gem ut toqoräkt i ut tet da ama engätki arha ron dä qosaqi rhoqoräkt i aurha snäng bāt a ne.

### *Ut Tet Da Ama Engätki Dä Ama Lavuqi Ina Ron*

<sup>4</sup> Märmär gem ngo masirhat inguna sa ngua nari i arhani nāvāt ngia es di rhat tet parhäm ama engätki rhoqor varhäm ama Ngätmamäk aa muräkt bā ba ut.<sup>5</sup> Gua mär qi gua ruqi, rhäkt di qaku ngut sām anga muräkt anga iaräs na ngät dap iangärhäkt kārängät i sa qale ngät gem ut namäk nāvāt ama rharimini bā sarhäkt. Bā ngu nän sagem nge iva ut moe diva aurha snäng bāt a ne.<sup>6</sup> Ngakt bā sa aurha snäng bāt ma Ngāmuqa qā na arhani ama ruvek dä va ut tet parhäm aa muräkt. Bā rhangät täkt di ama muräkt kārängät i sa ngän

---

\* **1:1** ama evopki qāraktni i sa ma Ngāmuqa qa armeng dām nge ngi nā ngia es Ama mädrämda di qaku rhit tares ba ne sāvāt tangät täkt ama enge angät tarimini. Arhani di sa rhat tu arhä snäng i iaqyäkt ama evopki qi na at toes di nak akti ama evopki bā sāvāt at toes dap arhani di sa rhat tu arhä snäng i qiat mair ba ama gulängi na ama qatnanaktpämda va aomni ama vārham.

nari ngät mudu nävät ama rharimini iva ngän det da ama lavuqi arha ron.

<sup>7</sup> Ama rhäqäp na rha ama ruvek ama iras mät ta iarhakt kärarhae i qaku rhi sameng mamär i ma Jisas ma Krai di qa mu ama släqyige bä qa män i ama ruqa na qa di sa rhat tet pät ama ivätki rhage rhage. Iarhakt ama ruvek di ama iras mät ta dä ma Krai aa ikkäna na rha. <sup>8</sup> Mamär iva ngänit lu vät a nas mamär i varis ngän namungsäs sa agini qärqäni i ut† mualat nani ini dap pakt iva qoki ngäni rha angän ditsek ama rhäk täm ngät. <sup>9</sup> Ngakt bä aung anga ruqa qäarakni i arñis na qa nämäni ma Krai aa rhisu dap kaku qale qa mamär mäni ngät di qaku ma Ngämuqa qa e gem ga. Dap auge qäarak i vasägos dä qät päp ma Krai aa rhisu dä sa qale ama Ngätmamäk kä na ama Ngärhoemga e gem ga. <sup>10</sup> Ngakt bä anga ruqa va qa rhän gem ngän bä aa rhisu di qaku ngät toqor ma Krai aa rhisu dä va qale ngän narhäknän däp ga säva angäna vät ura ngän nar sä qa <sup>11</sup> inguna aung gäarakni i sa qa ar sä qa sagem mes di qat tatnärhäm ga sa aa lat ama vu ngät.

### *Ama Enge Na Ama Märmärgem Ama Dängdängini Na Ngät*

<sup>12</sup> Näkt masirhat nä gua enge nga e qärangättni i mamär iva ngu säm a ngät bä ba ngän sokt di qaku nani a ngo iva ngu säm iangärhäkt ama enge va anga abuk. Dap kinak nani a ngo masirhat iva

---

† **1:8** ut Arhani ama mädrämda di rhat tu arhä snäng i rhangät täkt ama enge di rhoqortäqya, “ut” dap arhani di rhat tu arhä snäng i ngät di rhoqortäqya, “ngän.”

ngua rhet sagem ngän bä urhi lu ne dä ut tamän  
särhäm ne bä va märmär gem ut mamär.

<sup>13</sup>Gia matki qäaraktni i sa ma Ngämuqa qa armeng  
däm gi qi na at toes narhe di rhit tåk na arhä  
märmärgem sävät a ngän.

**Ama Iaräs Na Ngät Ama Rharesbane**  
**The New Testament in the Ura Language of Papua New**  
**Guinea**

**Nupela Testamen long tokples Ura long Niugini**

copyright © 2019 Wycliffe Bible Translators, Inc.

Language: Ura

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2024-02-21

---

PDF generated using Haiola and XeLaTeX on 21 Feb 2024 from source files dated 21 Feb 2024

2899d6f1-45c9-5492-bd93-58312ca32319